

Damonda da baghegiar

2024-1106.000

Datum dalla publicaziun: 10 da schaner 2025

Patrun: Astrid Andreoli, Landstrasse 150, 5430 Wettingen
Representant: Coray Capaul architectura e habitar, Via Lucmagn 4, 7180 Disentis/Mustér
Intenziun: Sanaziun dalla habitaziun el plaunterren, niev scaldament
Edifeci nr.: 369
Parcella: 31
Adressa: Via Curtins 1, 7186 Segnas
Zona: Zona dil vitg
Zona da prighel: Negin zona da prighel

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Cussegl da vischnaunca

Venderdis, ils 10 da schaner 2025 allas 20.00 ha liug en halla Cons la seduta constitutiva dalla nova perioda d'uffeci 2025/2028. La seduta vegn enramada d'entginas produciuns musicalas.

Tractandas:

1. Avertura entras il president communal
2. Undraziuns
3. Appel
4. Elecziuns:
 - 4.1 da dus dumbravuschs e du(a)s suppleant(a)s per 2025/2028
 - 4.2 dil president, dalla presidenta dil cussegl da vischnaunca per 2025

Saramentaziun da/las autoritads communalas

- 4.3 dil vicepresident, dalla vicepresidenta dil cussegl da vischnaunca per 2025
 - 4.4 digl actuar, dalla actura dil cussegl da vischnaunca per 2025/2028
 - 4.5 dil vicepresident, dalla vicepresidenta communal(a) per 2025
 - 4.6 dalla cumissiun da baghegiar
 - 4.7 dalla cumissiun da menaschi Center Fontauna
 5. Agenda 2025
 6. Communicaziuns Il president communal
-

Sentupada denter la giuventetgna da Mustér e la suprastonza communal

La giuventetgna dalla vischnaunca da Mustér s'entaupa sonda, ils 25 da schaner 2025 allas 17.00 cun la suprastonza communal ella Sala Cumiera el Center Fontauna. Ei dat ina discussiun davart projects communs e regionalis sco era ina discussiun libra. Silsunter dat ei in puschegn pils participants. Alla discussiun ein tut ils giuvenils cordialmein envidai. Annunzias prendin bugen encunter entochen venderdis, ils 24 da schaner 2025 allas 14.00 sut admin@disentis.ch ni 081 920 36 36. Suprastonza communal

Revisiun parziala dalla planisaziun locala «zonas dil spazi d'aua Val Sogn Placi/ Val da Cuoz» Publicaziun dil conclus d'approbaziun

En applicaziun digl art. 49 dalla lescha cantunala davart la planisaziun dil territori pil cantun Grischun (LPTGR) ha la Regenza Grischuna approbau ils 17 da december 2024 (conclus nr. 990) la revisiun parziala dalla planisaziun locala, la quala ei vegnida concludida ils 16 d'avrel 2024 entras il cussegl da vischnaunca (plan general d'avertura) ed ils 9 da zercladur 2024 entras la votaziun all'urna (plans da zona).

Acts d'exposiziun:

Val Sogn Placi:

- Plan da zonas 1:2'500
- Plan general d'avertura 1:5'000 Val da Cuoz:
- Plan da zonas 1:2'500
- Plan general d'avertura 1:2'500
- Conclus dalla Regenza nr. 990/2024

Temps d'exposiziun: "

Il conclus dalla Regenza e sura documents ein exponi publicamein duront 30 dis naven dils 10 da schaner entochen ils 10 da fevrer 2025.

Liug e temps d'exposiziun:

Casa communal (stanza nr. 10), Via Cons 2, 7180 Disentis/Mustér duront las uras da spurtegl ni online www.disentis.ch/downloads/ exposiziun publica da cooperaziun. Encunter la decisiun dalla Regenza sa el senn dalla lescha davart la giurisdicziun administrativa pil cantun Grischun, vegnir recurriu enteifer 30 dis dapi il datum da questa publicaziun, alla Dertgira superiura dil cantun Grischun.

Suprastonza communal Disentis/Mustér

Mortoris

Vera Carigiet-Benesová, naschida ils 20 da mars 1973, morta ils 5 da schaner 2025 Peter Beirne, naschius ils 20 da zercladur 1942, morts ils 6 da schaner 2025

Administraziun communal

Biblioteca populara Disentis/Mustér e contuorn

Kino da cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs? Venderdis, ils 24 da schaner 2025 allas 14.30 legin nus avon e mussein vid ina gronda preit ils maletgs ord in cudisch da maletgs. L'occurrenza ei adattada per tut ils affons che san gia tedlar tier bein. Naturalmein astgas tiera prender cun tei tia mumma ni in'otra persuna.

Nus selegrein zun fetg sin tei. Mats, la miur ed il team dalla biblioteca

Entrada en vigor dil register funsil federal en la vischnaunca da Disentis/Mustér

Territori restont digl intschesch dalla vischnaunca da Disentis/Mustér (beins immobiliars pendants cun parts dallas sorts da mesiraziun 3, 7, 10 e 12, plans dil register funsil nrs. 38-41 e 44-47 sco era plans da survesta 1:10'000)

Il Departement d'economia publica e fatgs socials dil Grischun ha mess en vigor cun disposiziun dils 13 da december 2024 l'introducziun dil register funsil federal partenent las immobilias dil territori restont dalla vischnaunca da Disentis/Mustér sin ils 1 da fevrer 2025. Cunquei ei il register funsil federal introducisc sur igl entir intschesch dalla vischnaunca da Disentis/Mustér. Tuts dretgs buca reglai el register funsil, per ils quals in'impurtaziun fuss necessaria, san buca pli vegnir fatgs valer enviers tiarzas personas, che sebasan sin la vigor legala dil register funsil. 7180 Disentis/Mustér, ils 9 da schaner 2025

Uffeci funsil Cadi Igl administratur, Martin Monn

Inkraftsetzung des eidgenössischen Grundbuches in der Gemeinde Disentis/Mustér

Restgebiet der Gemeinde Disentis/Mustér (sämtliche ausstehenden Grundstücke mit Teilen der Vermessungslose 3, 7, 10 und 12, Pläne für das Grundbuch Nrn. 38-41 und 44-47 sowie Übersichtspläne 1:10'000)

Das Departement für Volkswirtschaft und Soziales Graubünden hat mit Verfügung vom 13. Dezember 2024 die Anlage des eidgenössischen Grundbuches über das Restgebiet der Gemeinde Disentis/Mustér auf den 1. Februar 2025 in Kraft gesetzt. Demnach ist das eidgenössische Grundbuch in der Gemeinde Disentis/Mustér flächendeckend angelegt. Die im Grundbuch nicht vollzogenen Rechte, die für ihren Bestand jedoch der Eintragung bedürften, können somit gegenüber Dritten, die sich im guten Glauben auf das Grundbuch verlassen, nicht mehr geltend gemacht werden. 7180 Disentis/Mustér, 9. Januar 2025

Grundbuchamt Cadi Der Grundbuchverwalter, Martin Monn

Teater a Disentis/Mustér

Tgei stress pervia d'ina statua

Ina cumedia en treis acts da Hubert Giger Reschia: Tina Bundi

Termins presentaziuns en halla Cons

Sonda, ils 18 da schaner 2025 allas 20.15

Venderdis, ils 24 da schaner 2025 allas 20.15

Sonda, ils 25 da schaner 2025 allas 20.15

Dumengia, ils 26 da schaner 2025 allas 14.00

Venderdis, ils 31 da schaner 2025 allas 20.15

Sonda, igl 1. da fevrer 2025 allas 20.15

Reservaziuns sut www.it-surselva.ch/gtm ni gliendisdis mardis 19.00–21.00, sut 077 205 85 05. Ils bigliets san vegnir pagai sulettamein en bar alla cassa.

La Gruppa da teater Mustér selegra da Vossa viseta.

Uniun la pendentia

Spassegiada da glina pleina sur la pendentia. Ils 13 da schaner 2025 allas 19.00 a S. Gada, sentupein nus per ina biala spassegiada sut la glina pleina encunter Mumpé Medel, la ustria ha aviert per in sitg. Tgi che vul, ei cordialmein envidaus – da tut aura.
